



Deddf Plant (Diddymu Amddiffyniad Cosb Resymol) (Cymru) 2020

2020 dccc 3

E+W

Deddf Cynulliad Cenedlaethol Cymru i ddiddymu amddiffyniad cosb resymol yn y gyfraith gyffredin mewn perthynas â rhoi cosb gorfforol i blentyn sy'n digwydd yng Nghymru; ac at ddibenion cysylltiedig. [20 Mawrth 2020]

Gan ei fod wedi ei basio gan Gynulliad Cenedlaethol Cymru ac wedi derbyn cydsyniad Ei Mawrhydi, deddfir fel a ganlyn:

1 Diddymu amddiffyniad cosb resymol yn y gyfraith gyffredin **E+W**

- (1) Mae amddiffyniad cosb resymol yn y gyfraith gyffredin wedi ei ddiddymu mewn perthynas â rhoi cosb gorfforol i blentyn sy'n digwydd yng Nghymru.
- (2) Yn unol â hynny, ni chaniateir cyfiawnhau rhoi cosb gorfforol i blentyn sy'n digwydd yng Nghymru mewn unrhyw achos sifil neu droseddol ar y sail ei bod yn gyfystyr â chosb resymol.
- (3) Ni chaniateir ychwaith gyfiawnhau rhoi cosb gorfforol i blentyn sy'n digwydd yng Nghymru mewn unrhyw achos sifil neu droseddol ar y sail ei bod yn gyfystyr ag ymddygiad derbyniol at ddibenion unrhyw reol arall yn y gyfraith gyffredin.
- (4) At ddibenion yr adran hon, ystyr “cosb gorfforol” yw unrhyw guro (yn yr ystyr sydd i “battery” yn y gyfraith gyffredin) a wneir fel cosb.
- (5) Yn adran 58 o [Ddeddf Plant 2004 \(p. 31\)](#) (cosb resymol)—
 - (a) yn is-adran (1), ar ôl “battery of a child” mewnosoder “taking place in England”,
 - (b) yn is-adran (3), ar ôl “Battery of a child” mewnosoder “taking place in England”, ac
 - (c) mae'r pennawd yn newid i “Reasonable punishment: England”.

Gwybodaeth Cychwyn**I1** A. 1 mewn grym ar 21.3.2022, gweler **a. 5(2)****2 Hybu ymwybyddiaeth y cyhoedd bod adran 1 yn dod i rym **E+W****

Rhaid i Weinidogion Cymru gymryd camau cyn i adran 1 ddod i rym er mwyn hybu ymwybyddiaeth y cyhoedd o'r newidiadau i'r gyfraith sydd i'w gwneud gan yr adran honno.

Gwybodaeth Cychwyn**I2** A. 2 mewn grym ar 21.3.2020, gweler **a. 5(1)****3 Gofynion adrodd **E+W****

- (1) Rhaid i Weinidogion Cymru lunio dau adroddiad ar effaith y newidiadau i'r gyfraith a wneir gan adran 1.
- (2) Rhaid llunio'r adroddiad cyntaf cyn gynted ag y bo'n ymarferol ar ôl i'r cyfnod o 3 blynedd, sy'n dechrau pan ddaw adran 1 i rym, ddod i ben.
- (3) Rhaid llunio'r ail adroddiad cyn gynted ag y bo'n ymarferol ar ôl i'r cyfnod o 5 mlynedd, sy'n dechrau pan ddaw adran 1 i rym, ddod i ben.
- (4) Rhaid i Weinidogion Cymru, cyn gynted ag y bo'n ymarferol ar ôl llunio adroddiad o dan yr adran hon—
 - (a) gosod yr adroddiad gerbron Cynulliad Cenedlaethol Cymru, a
 - (b) cyhoeddi'r adroddiad.

Gwybodaeth Cychwyn**I3** A. 3 mewn grym ar 21.3.2020, gweler **a. 5(1)****4 Pŵer i wneud darpariaeth drosiannol etc. drwy rheoliadau **E+W****

- (1) Caiff rheoliadau a wneir gan Weinidogion Cymru wneud darpariaeth ddarvoudol, darpariaeth drosiannol neu ddarpariaeth arbed mewn cysylltiad â dod ag adran 1 i rym.
- (2) Mae'r pŵer i wneud rheoliadau o dan is-adran (1) yn arferadwy drwy offeryn statudol.

Gwybodaeth Cychwyn**I4** A. 4 mewn grym ar 21.3.2020, gweler **a. 5(1)****5 Dod i rym **E+W****

- (1) Daw'r adran hon ac adran 2, adran 3, adran 4 ac adran 6 i rym ar y diwrnod ar ôl y diwrnod y caiff y Ddeddf hon y Cydsyniad Brenhinol.

Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Plant (Diddymu Amddiffyniad Cosb Resymol) (Cymru) 2020. (See end of Document for details)

- (2) Daw adran 1 i rym pan ddaw'r cyfnod o 2 flynedd sy'n dechrau â'r diwrnod ar ôl y diwrnod y caiff y Ddeddf hon y Cydsyniad Brenhinol i ben.

Gwybodaeth Cychwyn

I5 A. 5 mewn grym ar 21.3.2020, gweler **a. 5(1)**

6 Enw byr **E+W**

Enw byr y Ddeddf hon yw Deddf Plant (Diddymu Amddiffyniad Cosb Resymol) (Cymru) 2020.

Gwybodaeth Cychwyn

I6 A. 6 mewn grym ar 21.3.2020, gweler **a. 5(1)**

Newidiadau i ddeddfwriaeth:

Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Plant (Diddymu Amddiffyniad Cosb Resymol) (Cymru) 2020.